

სახალხო კაზეთი

საქართველიანთა დამატება

კაზეთის № 414.

შაბათი, 1 ოქტომბერი 1911 წ.

დამატების № 73

ლ ღ ც მ ა

გფიცავ, ყვავილს, რომ ენახა ეგ სიტურფე-სილაძაზე,
სირცხვილისგან სევდის ფოთლებს ძირს დაჰყრიდა, ძირს, მიწაზე;
ვფიცავ დილას, ზამთრის დილას, ვფიცავ გრივალს ზღვით ანახლეტს,
შენი ტანი მგონის მუხამ მიამსგავსა სპილოს ძვლის სვეტს;
გფიცავ! მთვარე გუშინ ღამ რო ღრუბელთ ზღვაში ჰანგებს სწნავედა,
დამიჯერე, შენ მეგონე, შენს ხატებას ჩამოჰგავდა.

გფიცავ, ყვავილს რომ ენახა ეგ სიტურფე-სილაძაზე,—
სირცხვილისგან სევდის ფოთლებს ძირს დაჰყრიდა, ძირს, მიწაზე.

რისთვის უნდა დამივიწყო? რისთვის? რისთვის? არ გრცხვენია?
რად დავმარხო ასე სწრაფად საოცნებო ღვთის გენია?
რისთვის უნდა დამივიწყო ცრემლი ჰანგად მოჩუხჩუხე?
რა შეგცოდნე? რა? რა? მითხარ, ამიხსენი, მიპასუხე...
რისთვის უნდა დამივიწყო? ვაი ჩემს თავს, რისთვის? რადა?
ლოცვის კოშკი რად ჩავფერფლო? რად ვაქციო, სულო, მტვრად?

რისთვის უნდა დამივიწყო? რისთვის? რისთვის? არ გრცხვენია?
რად დავმარხო ასე სწრაფად საოცნებო ღვთის გენია?..


სულო ჩემო! სულო ჩემო! დამაკვირდი, გეთაყვანე:
ხომ ვეღარ მცნობ?—ისე დავდნი, რომ შენს თითებს დავემგვანე;
სულო ჩემო! სულო ჩემო! აბა კარგად დამაცქერდი?—
სადლა არის ის ღიმილი, სადლა არის ის მთა-მკერდი?
სულო ჩემო! სულო ჩემო! ავადა ვარ, სული მტკივა,
მზის სხივებსა სიმაღ ვხმარობ, მაგრამ მაინც მტკივა... მტკივა!..

სულო ჩემო! სულო ჩემო! დამაკვირდი, გეთაყვანე:
ხომ ვეღარ მცნობ?—ისე დავდნი, რომ შენს თითებს დავემგვანე.

შემიყვარე... მწირ-ავადმყოფს მიძღვენ ტუჩი მხსნელ მალამოდ...
შემიყვარე, თუ გსურს, ტურფავ, დაგივიწყო სამუდამოდ;
შემიყვარე, ლოცვის აღთქმავ! საკმეველის ორთქლად ვქრები,
შემიყვარე, დაწვთა ხოკვით, ცრემლთა ნთხევით გევედრები;
შემიყვარე, გესმის, სულო! შემიყვარე, შემიყვარე...
თუ მომაკვდავს ვერ მომიხვალ,—ნიაფს კოცნა დააბარე.

შემიყვარე... მწირ-ავადმყოფს მიძღვენ ტუჩი მხსნელ მალამოდ...
შემიყვარე, თუ გსურს, ტურფავ, დაგივიწყო სამუდამოდ.

ი. გრიშაშვილი.



მა
მთე-
კარე-
ებდა



ა ბ ლ უ ლ - ბ ე ჰ ა.

შეპოქმეღეზითი ქალა

ტკბილია ძილი, მაგრამ უფრო უტკბესია—გავქვავდე ჟამს უბედურებისას და სირცხვილისას. ვერ გავიგონო, ვერა—რა ვიგრძნო — აი ჩემი ბედნიერება; მაშ, ნუ მადღიძებთ, ჩუმაღ, ახ, ჩუმაღ ილაპ რაკეთ!

მიქელ-ანჯელო

ტყვე ვარ უცნობი, შეჩვენებული. პრბო ხარხარებს ჩემს დანახვისას და წყევლით გრგვინავს.

მზეს ღრუბელი ეფარება, სხივებს ჰმალავს სწორედ იმ დროს, როს ბოროტითა ჩხარა-ჩხურით შებოჭილი ძლივს მივდივარ.

— „შეჩვენებულო და უსამართლო“ —მესმის გარშემო; ხალხი მოდის ტალღასავით, ღიმილთ მიმზერს და ისევ გარბის. მხოლოდ ის მიცლის დინჯად და ცივად—ჩემი საკანი, ის სიმბოლოა წამებისა და საძარისა. აგერ ყვავი... კარის ზემოდ სახურავზე შეფრენილა და ყრუთა ზის, რომ მისვლის ჟამს შეგ-ბნელის ხმით წყველა ჩამომიხბოს:

„ტკბილია ძილი, მაგრამ უფრო უტკბესია, ვავქვავდე ჟამსა უბედურებისა და სირცხვილისასა“.

ტყვე ვარ, უდროვოდ შეჩვენებული. ბნელ საკანში გამოკეტის ყრუ კედლები სულს მიხუთავს; ხელთ მძიმე ჯაჭვი გველივითა მაქვს შემოხვეული. ყურთა ჩემთა ესმის მხოლოდ მათი წყნარი წკრიალი და ჩემივე გულის კვნესა. სველს იატაკზე პირქვე ვამხივარ დამცირებული, შეგინებული. აბა, შეჭხედეთ, რა პატარა ვარ და რა უძლური!.. ახ, მოისურვეთ, რომ გავქვავდე ჟამსა წამებისასა და სირცხვილისასა.

სამარეში ვარ ჯერ ცოცხალი გამომწყვდეული და უნდა მოვკვდე, მოვკვდე, უდროვოდ შეჩვენებული.

იყურე, გრანობავ! მე ეხლა მხოლოდ სიკვდილი და მსურს; მას განვიციდი, მას შევლალადებ და მას შევნატრი.

იყურე, გულო; შენი ხმა უდაბნოში უგზო-უკვლოდ მოზუზუნე ქარის კვნესას ჰგავს; იგი მიფრთხობს სიკვდილის ჩრდილს, მონატრებულ მყუდროებას თავზარსა სცემს; სუ, იყურე, თორემ თრთოლივით ჩიტსა ჰგეგხარ, ყვავ-ყორნისგან ნაცემს და ნაფოეთს; ჰაწია ჩიტს ჰგეგხარ, ღრმა ფულუროში თავ შეფარებულს; ცრემლების ნაცვლად ამოჩიქნილ თვალებიდან სისხლი გდის—უაუსურო და უმწყო!

იყურე, თორემ, ხომ სულ ერთაა, აგერ, როგორც იმ ბნელ კუთხეში, მტვრიან ქსელში გახლართულ ბუზს ობობა სისხლთან სიცოცხლესაც ამოგწოვს... ჰწარე სევდა და დამცირება მეც ასე მიმსხვერპლებს, ასე მაწამებს.


ახ, ბნელა, ბნელა. ჯოჯობეთია ჩემსა გარშემო. მაშ, ინატრეთ, გავქვავდე ჟამსა წამებისა და სირცხვილისასა. მაგრამ რა ვუყო, —ყურს არ მიგდებენ, ამ წყვდიად-ბნელში უფრო უჩრბობს ჩემი გონება და გრძნობა.

ახ, აგერ ის ხმა! სად დავემალო, სად იბადება, და საით მიჰქრის, რომ არ ვცაო, მიქელ-ანჯელო! ყური დაუგდე ამ წყვდიადში და ტანჯვაში ეს ძლიერი ხმა რასა ჰლალადებს.


„რამეთუ ბნელი შენ მიერ არა დაბნელდეს და დამე, ვითარცა დღე, განათლდეს; ვითარცა ბნელი მისი, აგრეცა ნათელი მისი“.

მიქელ-ანჯელო! —ბოროტი დნება ამ დიად ხმაზე, ციხე ირყევა; აბა, შეჭხედე აგერ იმ კედელს, რა ემართება. ვერ გამიგია—ხმა სურათებათ იბადება, თუ სურათები ხმებათა დნება. აგერ ის კუთხე, სველი და ბნელი, ერა წამს უზომო ზღვად გადიშალა, მის ვერცხლის ტალღებს წყნარი სისინით ნიავი არხევს; დაუსრულებლად გადაშლილა მისი კალთები და ოდნავად თრთის ცრემლების ზღვა, ზღვა მომღერალი. შორს, სივრცისკენ გემი მიჰქრის ფრთა შესხმული, ნაპირიდან კი ნიშნა მისძახის, ნიშნა სხივივით მიშუქებული, ზღვისა ქაფი, ვითა ფიფქა, ფებთ უკოცნის და ეხვევა, მაგრამ იგი გემს მისძახის და შორიდან თავს ევლებს.

აგერ, აქეთ ყვავილთა ჯგუფი უმზეურად ამოსულა. ხელ უხლები, ვით აჩრდილი, ისე ნაზი, თავს რომ ხრიან, თითქოს ცრემლად იღვრებიან.



ბ ე ჰ ა.



შეხე აქ მთას, სევდასავით უზარმაზარს! იცო რაა? ეგ სფინქსია ყველა გრძობისა და ფიქრებისა. აბა, სახეს მიაშტერდი, თვალები შორს რად უპყრია? ვერც წარღვნა და ვერც გრიგალი ვერას დააკლებს მის სიდიადეს, თუთ სულია შიგ შთენილი უკვდავი და უხილავი.

აგერ ის ცაც, მისი სიღრმე და სიწმინდე სულს რომ უღრის, მაგრამ მის ქვეშ ხედავ შორით დამხობილს და, მომტირალეს.

იმ პატარამ, მის წამებამ ეს მსოფლიო წარმოშობა და, ვით ღმერთი შემოქმედი, თავი მეფედ აღიარა. იქ პატარა, და აქ დიდი, იქ უძლური, აქ ძლიერი. აბა, ერთი შემომხედე, ის ჯურღმული რად გარდმექცა!

მიქელ-ანჯელო! არ გავქვავდები თამა წამებისასა. ქვეყნის სიმდაბლეს და დამცირებას მე თავს ვიკისრებ, თუ კი ამ ბნელსა და ჯოჯოხეთსა მე პათ სინათლედ უკან ვუბრუნებ.

მიქელ-ანჯელო! ცრემლად დავდნები, არ გავქვავდები, თუ კი ეს ცრემლი უდაბნოსათვის ცის მანანად გადიქცევა და ეს კვნესა მუსიკასავით მის წიაღზე გაიშლება.

ცქვიტი.



ხანი ჯა მისი უვილი

მ. გ. მ. რ. კ. ი. ს. ა.

(რუსულიდან).

— ყირიმში იყო ხანი მოლოაიმა ეღი ასვაბი და ჰყავდა შვილი ტოლაიკ ალჰალლა—მიხაკის ფერ ხეზე ზურგით მიყუდებულმა ბრმა მათხოვარმა თათარმა დაიწყო ამ სიტყვებით ერთი ძველი თავის მოგონებებით მდიდარ ნახევარკუნძულის ლეგენდთაგანი. მთხრობელის გარშემო კი, დროთა ვითარების გამო ხანის დაქცეულ სასახლის ქვებზე, იჯდა თათართა ჯგუფი წითელის ხალათებით და ოქრომკერდით ნაკერ კაბებში. საღამო იყო და მზე ზღვაში ნელა ჩალიდა; მისი სხივები ნანგრევების გარშემო წითელ წინწყლებად ეფინებოდა ხავს-მოკიდებულ ქვებს, რომელთაც მჭიდროდ შემოჭხვებოდა ამწვანებული სკროს ფოთლები. ქარი ჰქროდა და მისი ქროლის ხმა კაცს მოაგონებდა, თითქოს ჰაერში უხალავად წყარო მოჩუხჩუხებოდა.

ბებერ მათხოვარას სუსტი ხმა უკანკალებდა. მისი ქვის მსგავსი, დანაოკებული სახე სწუნარეს გარდა სხვას არას გამოჰხატავდა, მისგან დაწვლული სიტყვები ერთი მეორეს წყალივით მოსდევდა, და მსმენელთა წინაშე გრძობებით მდიდარ წარსულ დღეთა სურათი იშლებოდა.

— ხანი მოხუცი იყო, — განაგრძობდა ბრმა, — მაგრამ ჰარამხანაში ცოლები კი ბლომად ჰყავდა; იმათაც უყვარ-

დათ მოხუცი, რადგან მას კიდევ შესწევდა ძალა: იმის ალერსი ანებივრებდა და სწვავდა დედაკაცებს; მათ კი მუდამ ეყვარებოდა ის, ვინც იცის ალერსი, თუნდაც ქალარა იყოს და სახეც დანაოკებული ჰქონდეს. — ძალაშია სილამაზე და არა განებ-ვრებულ კანსა და წითელ ლოყებში.

— სუყველას უყვარდათ ხანი, თითონ მას კი ერთი პოლონელი, დნქარის მინდვრებიდან წამოყვანილი ყაზახის ქალი; და ყოველთვის მას უფრო ეფერებოდა, ეალერსებოდა, ვიდრე სხვეს თავის დიდ ჰარამხანაში, სადაც სხვა და სხა ქვეყნიდან მოყვანილი ჰყავდა სამასი ცოლი. ყველა ლამაზი იყო, როგორც გაზაფხულის ყვავილი და კარგად ცხოვრობდნენ. ბებერ გემრეო და ტკბილ საქმელს უმზადებდა ხანი და მუდამ, როცა მოესურვებოდათ, ცეკვისა და თამაშობის ნებას აძლევდა...

ყაზახის ქალს კი ხშირად მიიწვევდა კოშკში, საიდანაც ზღვა მოსჩანდა და სადაც თავის საყვარლისთვის ჰქონდა ყველაფერი, რაც უნდა ქალს მხიარულ ცხოვრებისთვის: ტკბილი საქმელები, სხვა და სხვა ქსოვილი, ოქრო, ათასნაირი ძვირფასი თვალი, მოყვანილი სხვა ქვეყნიდან იშვიათი ფრინველები, მუსიკა და ხანის აღზნებული სიყვარული. ამ კოშკში ხანი მთელის დღეობით დროს ტარებოდა გართული იყო. ასვენებდა ცხოვრების ჯაფისაგან დაღალულ გულს და იცოდა, იმის დიდებას ვერ დაამცირებდა მისი შვილი ალჰალლა, რომელიც მგელივით დაძრწოდა რუსების მინდვრებზე, საიდანაც ნადავლით, ახალის ქალებით, ახალ დიდებით ბრუნდებოდა და სადაც სტოვებდა ვაებასა და ნაცარტუტას, ლეშსა და სისხლს.

— ერთხელ, ანაირ გალაშქრების შემდეგ, ალჰალლა გამარჯვებული დაბრუნდა და მის პატივსაცემლად დღესასწაული გაიმართა. ადღესასწაულებზე დასასწრებლად ნახევარკუნძულის ყველა მურზები მოგროვდნენ. დაიწყო ნადიმი და თამაშობა, ტყვეებს თვალეში შვილდისაჩს სტყორცნიდნენ და ამით სცდიდნენ მკლავის ძალს და ისევ და ისევ სვამდნენ და აქებდნენ ალჰალლას სიმამაცეს, — მტერთა მესხა და სახანოს ბურჯს. მოხუც ხანს ძლიერ ახარებდა თავის შვილის სახელ-დიდება. მოხუცს ესიამოვნებოდა, რომ შვილში ჰხედავდა ამნაირ ვაჟაკაცს და იცოდა, როცა მოკვდებოდა, სახანო მკლავ-მაგარ პატრონს დარჩებოდა.

— ასეთი ფიქრი საამური იყო, და აი ხანმა, რომ ეჩვენებინა შვილისთვის მისდამი სიყვარული, ხელში ფაილით ყველა მურზებისა და ბეგების თანადასწრებით მიჰმართა მს.

— ჩემო კეთილო შვილო, ალჰალლა! დიდება ალლახს და განთქმულიმც იყოს მის წინასწარმეტყველ-ს სახელი! დიდ არს ალლახი ჩემს სიცოცხლეში გულადმა შვალმა კიდევ გამიღვრდა ახალგაზდობა და აი, ვხედავ ჩემის მოხუ-



თ ა ჰ ი რ ი, ღვთისმეტყველების ლექციას უკითხავს ქებასოს სტუდენტებს.



ბ ა ბ ი ს ს ი კ ვ დ ი ლ ი.

ცებულის თვალებით, როცა მზე დაბიზნელდება და ჭია გულს გამოძიხრავს, მაინც ცოცხალი ვიქნები ჩემს შვილში დიდ არს ალღობი და მაჰმადი, მისი ნამდვილი წინასწარმეტყველი! კარგი შვილი მყავს, გულაღია და გონება-გამჭრიახი... მთხოვე, რაც გინდა, შვილო, ალჰალლა! მითხარი და აგისრულებ...

ჯერ არც კი შემწყდარაყო მოხუც ხანის ხმა, წამოდგა ტოლაიკ ალჰალლა. თითქოს ღამეში ზღვა, მისი გაბრწყინებული შავი თვალები ისე აღეგზნენ, როგორც მთის არწივს, წამოდგა და მოახსენა:

— მამავ, ჩემო მბრძანებელო, პოლონელი ქალი მომეც!

ხანი გაჩუმდა იმდენს ხანს, სანამ შეიკავებდა ტანში გავლილ ჟრუანტელს, გაჩუმდა და ბოლოს გაბედვით და ხმა მალლა უბასუხა:

— წაიყვანე! გავათაოთ ნადიმობა და მერე შენი იყოს.

მეტის სიხარულით მამაცი ალჰალლა მთლად აღენტო, არწივისებური თვალები გაუბრწყინდა, წამოდგა, გაიმართა წელში და მოახსენა მამახანს:

— ვიცი, რასაც მაძლევ, მბძანებელო მამავ! კარგად ვიცი... შენი მონა ვარ, შენი შვილი. ჩემი სისხლი წვეთ-წვეთებათ აიღე, — ოცჯერ მოვკვდები შენთვის!

— არაფერი მინდა! უთხრა მამამ და მრავალ წელთა დიდებითა და ბრძოლით გვირგვინმოსილი, ქალარა თავი ჩაჰკიდა...

ნადიმი მალე გაათავეს და ორივემ ერთად მღუმარედ სასახლიდან პარამხანაში გასწია.

ბნელი ღამე იყო. მთვარე და ვარსკვლავები ღრუბლებში არ მოსჩანდნენ, რომელიც სქელ ხალიჩასავით ცას გადაჰკროდა. დიდხანს ამ სიბნელეში ჩუმად მიდიოდნენ. ბოლოს ხანმა ელ-ასვაბმა. სთქვა:

— ჩემი სიცოცხლის ღღეები იღვევა, თანდათან უფრო და უფრო სუსტად სცემს ჩემი მოხუცი გული და სულ ცო-

ტალა ცეცხლი ბეუვის მასში. ჩემი სიცოცხლის სინათლე და სითბო იმ ქალის ალერსი იყო... მითხარი, ტოლაიკ, მითხარი, განა ისე ძალიან გინდა ის ქალი? წაიყვანე ასი, სუყველა ჩემი ცოლები წაიყვანე იმ ერთში!

ტოლაიკ ალჰალლა გაჩუმებულიყო და ოხრავდა.

— რამდენის დღის სიცოცხლე და ღამრჩა? ჩემი ღღეები დათვლილია... ჩემი უკანასკნელი სიხარული ისაა — ის პოლონელი ქალი. მიცნობს, ვუყვარვარ, — მოხუცს ვინდა შემპყვარებს, თუ კი ის არ იქნება, ვინ? არც ერთი მათგანი, არც ერთი, ალჰალლა!..

— როგორღა ვიცოცხლებ მაშინ, როცა მეცოდინება, რომ მას შენ ეხვევი და ის შენა გკოცნის? ქალს არც მამა ჰყავს, არც შვილი, ტოლაიკ! ქალთან ჩვენ ყველანი მამაკაცები ვართ, ჩემო შვილო!..

— სიცოცხლის ღღეები გამიმწარდება... მერჩინა ჩემს ძველ ქრილობებს პირი დაელოთ, ვიდრე ამ ღამეს მოვსწრებოდი!

შვილი ჩუმად იყო... პარამხანის კარებთან შესდგნენ და ჩუმად, თავ დახრით დიდხანს იდგნენ. ირგვლივ წყვედიანი იყო გამეფებული, ცაში ღრუბლები დასცურავდა, ქარი ზუზუნებდა, არხევდა ხეებს და თითქოს მასთან ერთად მღერისო.

(დასასრული იქნება)

ალ. მამ — შვილი.



ბაბის მიმღვეარი სულეიმან-ხანი, რომელიც მთავრობის ბრძანებით თეირანში აწამეს.